

Tha nise do bhru,
 Da 'n robh thu a lub,
 Do ghaineamh 's do nìr gle lan :
 'S do dheudadh air glas,
 Mu d' theangaidh gun bhlas,
 Fuidh gheimblichibh prais a bhaia.

No morair ro mhor,
 A thachair am dhorn,
 Neach aig an robh coir air tìr ;
 Bha iochdmhar re bochd,
 A cluthach nan nochd,
 Reir pailteas a thoic 's a nith ?

No 'n robh thu ro chruaidh,
 A fionnadh do thuath,
 'S a tanach an gruidh le mal ;
 Le h-agartas geur
 A glacadh an spreidh
 'S am bochduinn ag eimbeach dail ?

Gun chridh' aig na daoine,
 Bha'r lomadh le h-aois,
 Le 'n claignibh maola truagh ;
 Bhi seasamh a' d' choir,
 Gun bhoineid nan dorn
 Ge 'd tholladh gaoth reot an cluas :

Tha nise do thraill,
 Gun urram a' d' dhail,
 Gun ghearsom' gun mhal' gun mhod ;
 Mor-mholadh do'n bhas,